

### Soalan 5 : Peribahasa

*Baca dialog di bawah dengan teliti, kemudian nyatakan dua peribahasa yang sesuai bagi mengisi tempat kosong dalam dialog tersebut.*

Cikgu Ali: Sebagai rakyat negara yang sudah merdeka, kita berhak menentukan hala tuju negara, kita akan dianggap seperti \_\_\_\_\_(i)\_\_\_\_\_ kerana hanya mengikut kehendak orang lain.

Prof. Husin: Ya cikgu, generasi muda perlu sedar akan tanggungjawab mereka mempertahankan negara dan sanggup berkorban sehingga titisan darah yang terakhir .

Cikgu Ali: Saya bersetuju dengan Profesor, kita mengharapkan generasi muda di negara ini dapat meneruskan legasi negara supaya setanding dengan negara maju yang lain seperti peribahasa \_\_\_\_\_(ii)\_\_\_\_\_

[4 markah]

### Soalan 5 : Peribahasa

*Baca dialog di bawah dengan teliti, kemudian nyatakan dua peribahasa yang sesuai bagi mengisi tempat kosong dalam dialog tersebut.*

Setelah hidupnya senang, Kak Timah bersikap sombong dengan jiran-jirannya yang banyak membantu selama ini. Mak Gayah amat sedih dengan perubahan sikap Kak Timah yang diumpamakan \_\_\_\_\_ (i) \_\_\_\_\_. Walhal, jirannya itulah yang banyak menolongnya ketika hidupnya susah dahulu. Mak Gayah jugalah yang menjadi pengasuh kepada anak-anak Kak Timah. Anak-anak Kak Timah dijaga dengan penuh perhatian dan kasih sayang oleh Mak Gayah bagi \_\_\_\_\_ (ii) \_\_\_\_\_. Sudah beberapa kali juga Mak Gayah menasihati Kak Timah supaya merubah sikap, namun tindakan Mak Gayah tidak pernah diendahkan oleh Kak Timah. Mak Gayah hanya mampu berdoa.

[4 markah]

- 5 **Dialog di bawah mengandungi tiga peribahasa. Senaraikan peribahasa tersebut dan nyatakan peribahasa lain yang sama maksud atau hampir sama maksud dengan peribahasa tersebut.**

**Ayah :** Azim jagalah diri baik-baik ketika di rantau orang. Di sana nanti sesuaikan diri dengan budaya dan adat resam mereka. Ikutlah nasihat orang tua-tua, iaitu di mana bumi dipijak, di situ langit dijunjung.

**Azim :** Terima kasih ayah. Saya akan sematkan nasihat ayah itu dalam hati saya.

**Ayah :** Di luar negara nanti ayah berharap Azim belajarliah rajin-rajin dan berusaha bersungguh-sungguh untuk berjaya kerana usaha tangga kejayaan.

**Azim :** Saya tidak lupa akan nasihat ayah itu.

**Ayah :** Satu lagi pesanan ayah, setelah tamat belajar pulanglah berkhidmat di negara kita kerana berapa tinggi terbang bangau, akhirnya hinggap di belakang kerbau juga.

**[6 markah]**

5. *Baca dialog di bawah dengan teliti, kemudian nyatakan peribahasa yang sesuai bagi mengisi tempat kosong dalam dialog tersebut.*

Nik : Jika mahu berjaya kita perlu belajar bersungguh-sungguh dan jangan mudah berputus asa.

Rehan : Saya setuju. Tanpa usaha kita tidak akan berjaya bak kata pepatah.....  
Kita mesti bekerja keras untuk berjaya.

Nik : Sebagai sahabat kita perlu berusaha dan menyelesaikan masalah dalam pelajaran bersama-sama umpama .....

Rehan : Kejayaan yang cemerlang tidak akan dicapai dengan mudah.

[4 markah]

1103/2©2022 Hak Cipta MPSM Kelantan

SULIT  
[LIHAT HALAMAN SEBELAH]

5. *Petikan di bawah ini mengandungi beberapa peribahasa. Senaraikan dua peribahasa sahaja, kemudian berikan peribahasa lain yang sama maksud atau hampir sama maksud dengan peribahasa tersebut.*

Isu dan gesaan pelbagai pihak supaya aktiviti menebang hutan dan menggondol bukit dihentikan seolah-olah masuk telinga kanan, keluar telinga kiri. Tindakan segelintir pihak yang merosakkan alam sekitar telah menyebabkan pihak yang diamanahkan untuk melaksanakan tugas memulihara alam sekitar turut dipersalahkan ibarat seekor kerbau membawa lumpur, semuanya terpalit. Tindakan yang diambil sesudah mendapat teguran itu tidak ubah seperti sudah terantuk baru tengadah kerana tindakan tersebut sudah tentu tidak bermakna lagi.

[4 markah]

- 5 *Baca petikan di bawah dengan teliti, kemudian nyatakan tiga peribahasa yang sesuai dengan situasi dalam petikan tersebut.*

Sudah berkali-kali Halimah menegur dan menasihati kawannya Rohaya. Segala nasihatnya tidak mendatangkan kesan, seperti \_\_\_\_\_(i)\_\_\_\_\_. Namun begitu, Halimah berpendirian \_\_\_\_\_ (ii) \_\_\_\_\_ , begitulah hati seorang perempuan, jika dipujuk tentu akan lembut juga. Halimah tidak mahu temannya itu berputus asa dalam mengejar cita-cita, biarpun sukar, jika sabar dan bersungguh-sungguh kerana \_\_\_\_\_(iii) \_\_\_\_\_ , kelak pasti berjaya.

[6 markah]



- 5 *Dialog di bawah mengandungi beberapa peribahasa. Isi tempat kosong dengan peribahasa yang sesuai.*

Fandi : Semalam, saya ternampak seekor ular berhampiran dengan bangunan terbengkalai itu.

Mun Chew : Bahaya tu Fandi.

Devi : Takutnya saya.

Fandi : Kita perlu laporkan hal ini kepada Tuk Ketua Nazri. Bolehlah beliau menghubungi pihak yang berkenaan untuk bertindak sebelum ada penduduk kampung yang menjadi mangsa kerana \_\_\_\_\_.

Mun Chew : Saya setuju. Keadaan ini tidak boleh dibiarkan. Pemilik bangunan terbengkalai itu juga mesti diberitahu hal ini. Dalam situasi ini, semua pihak perlu bekerjasama bagi \_\_\_\_\_ untuk menyelesaikan masalah ini.

Devi : Kita mesti mengambil tindakan secepat mungkin, jangan pula \_\_\_\_\_ nanti pasti kita akan menyesal.

Dipetik dan diubah suai daripada  
Buku Teks Bahasa Melayu Tingkatan 5

[6 markah]

- 5 *Petikan di bawah ini mengandungi beberapa peribahasa. Senaraikan dua peribahasa sahaja, kemudian bina ayat dengan menggunakan peribahasa tersebut.*

Usaha seorang lelaki melakukan kajian selama lima tahun membuahkan hasil apabila berjaya menanam lebih 30 pokok anggur. Namun demikian, pada peringkat awal, Salleh mengalami kegagalan kerana melakukan beberapa kesilapan, seperti tidak membuat teduhan untuk pokok anggur dan tidak memilih tanah dan benih anggur yang sesuai. Bagi mengelakkan, pisang berbuah dua kali, Salleh sering mencari jalan untuk mengatasi kesilapannya. Salleh telah mendapatkan benih yang lebih berkualiti dari luar negara. Walaupun terpaksa berbelanja lebih bagi mengusahakan tanaman anggur, tindakannya berbaloi dengan hasil yang diperoleh kerana baginya di mana ada kemahuan, di situ ada jalan.

Dipetik dan diubah suai daripada  
'Bingkisan Anggur Pantai Timur',  
buku teks *Bahasa Melayu Tingkatan 5*

[4 markah]



5. *Petikan di bawah mengandungi beberapa peribahasa. Senaraikan dua peribahasa sahaja, kemudian berikan peribahasa yang sama maksud atau hampir sama maksud dengan peribahasa tersebut.*

Lian Jia Li merupakan seorang pekerja baharu yang ditugaskan di syarikat gergasi itu. Oleh sebab dia tiada pengalaman bekerja, dia sering berjumpa dengan rakan sejawatan untuk menimba ilmu kerana baginya malu mengayuh perahu hanyut. Dia juga berpendapat dengan sikap bertanya akan melahirkan sikap mesra dan bekerjasama bagai aur dengan tebing. Dia juga suka berbincang akan tugas diamanahkan kerana pendapat yang berbeza antara satu dengan lain umpama lain padang lain belalang akan memberikan cetusan idea yang lebih baik.

**[4 markah]**

- 5** *Petikan di bawah mengandungi beberapa peribahasa. Senaraikan dua peribahasa sahaja, kemudian berikan peribahasa sama maksud bagi peribahasa yang disenaraikan.*

Menyedari betapa bahayanya merokok, Pertubuhan Kesihatan Sedunia telah menzahirkan Hari Dunia Tanpa Tembakau yang disambut pada 31 Mei setiap tahun. Namun, kesedaran amat payah untuk disuntik dalam diri kebanyakan individu yang merokok lantaran hakikat banyak udang banyak garam, banyak orang banyak ragam. Usaha ini akan menjadi sia-sia seperti hujan jatuh ke pasir sahaja sekiranya tidak mendapat kerjasama daripada masyarakat. Perokok akan tetap dengan pendirian mereka untuk meneruskan amalan negatif ini tanpa menghiraukan keluarga dan orang sekeliling yang seperti duduk dalam duri apabila terkena asap rokok yang dibebaskan.

**[4 markah]**

- 5 *Baca petikan di bawah dengan teliti kemudian nyatakan dua peribahasa yang sesuai dengan situasi dalam petikan tersebut.*

Datuk Fazley Hakim seorang usahawan yang berjaya dan terkenal di seluruh negara. Kejayaan yang diperoleh kerana beliau sentiasa memantau para pekerja bawahan di syarikatnya. Sepanjang beliau menguruskan perniagaannya, pelbagai rintangan telah berjaya dihadapi oleh beliau bersama-sama kakitangannya. Datuk Fazley Hakim juga tidak terlepas daripada membuat kesilapan. Namun beliau sentiasa bermuhasabah diri. Hal ini demikian kerana kita hendaklah sentiasa insaf dan berusaha untuk membetulkan kesalahan apabila kita menyedari kesalahan yang telah dilakukan.

[4 markah]

5. Baca petikan di bawah dengan teliti. Senarai dua peribahasa yang berkaitan dengan situasi tersebut.

**ALIA** : Awak buat apa sementara menunggu tawaran kerja?

**RANIA** : Saya menolong ibu membuat kuih untuk jualan di warung dan di kantin sekolah. Saya membuat kerja sementara sahaja untuk mendapatkan wang saku. Sekarang bukan senang mendapat kerja.

**ALIA** : Memang sukar hendak dapat kerja sekarang tetapi jika kita tekun dalam melakukan sebarang pekerjaan, lama-lama akan mendapat hasil juga.

**RANIA** : Saya bersyukur kerana telah menamatkan pengajian. Sekurang-kurangnya saya ada ilmu untuk membantu saya meneruskan kehidupan pada hari depan.

**ALIA** : Saya tahu awak sangat rajin belajar, jika tidak masakan awak boleh berjaya menamatkan pengajian. Saya doakan awak akan mendapat kerja yang sesuai dengan cita-cita dan kelulusan awak.

[4 markah]

**5 Baca petikan di bawah dengan teliti. Dalam petikan di bawah mengandungi beberapa peribahasa. Senaraikan dua peribahasa dan berikan maksud bagi peribahasa yang dipilih.**

Sejak usia setahun jagung, darah setampuk pinang lagi, ibu bapa Amir telah mendidik anak-anaknya agar berbudi bahasa dan hormat akan orang tua. Bukan itu sahaja, adik-beradik Amir juga terpelajar dan ada yang menuntut di luar negara. Namun tidak disangka-sangka, Amir telah melakukan tindakan di luar jangkaan kerana berkahwin secara diam-diam di Thailand dengan seorang gadis yang baru sahaja dikenalnya sebulan yang lalu. Sungguh luluh hati kedua-dua ibu bapa Amir bagai kaca terhempas ke batu dengan berita yang mengejutkan ini. Lebih malang lagi, bapa Amir diserang penyakit jantung setelah mengetahui berita tersebut dan seperti sudah jatuh ditimpa tangga, ibu Amir pula terkorban dalam kemalangan jalan raya ketika dalam perjalanan membawa suaminya ke hospital.

**[4 markah]**



5. *Petikan di bawah ini mengandungi beberapa peribahasa. Senaraikan dua peribahasa sahaja. Kemudian berikan peribahasa lain yang sama maksud atau hampir sama maksud dengan peribahasa tersebut.*

Ibu : Sampai bila kamu hendak bertikam lidah dengan adik kamu tu Mas?

Mas : Adik yang tidak mahu mengalah ibu. Dia yang bersalah. Dialah perlu mengalah dulu. Biarlah apa pun yang hendak jadi.

Ibu : Mengalah tidak bererti salah Mas. Kamu berdua adik beradik. Sampai bila-bila pun air dicencang tidak akan putus.

Mas : Sikap adik tu seperti api dalam sekam. Selama ini Mas percayakan dia. Rupa-rupanya dia dalang atas semua yang berlaku.

Ibu : Ibu faham Mas. Mas ambillah masa untuk maafkan adik ya. Kamu hanya dua beradik saja. Bergaduh lama-lama pun tidak mendatangkan untung.

[4 markah]

5. *Baca petikan di bawah dengan teliti. Senaraikan dua peribahasa daripada petikan. Kemudian bina satu ayat bagi setiap peribahasa dengan menggunakan peribahasa tersebut dengan ayat anda sendiri.*

Sejak di bangku sekolah lagi, Faris ada hati terhadap anak Pak Husin, iaitu Aminah. Perwatakan Aminah yang lemah lembut dan sopan santun itu telah menambat hati Faris. Namun begitu, Aminah tidak mengendahkan perasaan Faris kerana dia mahu memberikan tumpuan kepada pelajaran. Oleh itu, Faris cuba mendekatkan diri dengan cara menjadikan Aminah sebagai adik angkat. Setelah masing-masing mencapai cita-cita, akhirnya mereka berjodoh juga. Semasa hari persandingan mereka, ramai yang memuji dengan mengatakan pasangan itu bagai pinang dibelah dua.

[4 markah]